

## KUÑA PARAGUAY REFLEXIÓN DE 5 MINUTOS

Versión resumida número 7

TEMA: Manteniendo la calma con tus hijos- Dios responde la oración

**Punto de Aprendizaje: Dios responde nuestras oraciones, a su manera y a su tiempo.**

**Maralina:** Maitei che angirũ. Ko árape ñañe'ëta mba'éichapa jaiko porãvéta ñande rogapýpe. Ñañe'ëta mba'éichapa ikatu ñañangareko ñane memby kuéra rehe, jasapukái ÿre chupe kuéra.

Angirũ Rosa omombe'u: " Che memby kuéra che mbohasa vai ndojapói rupi ha'éva. Ha asupukái ramo chupe kuéra añoite ojapo pe ha'éva.

Sy kuéra jaguereko heta mba'e jajapo va'erã ha sapy'ánte ndaikatúi jajapopa. Kuña nguéra ñaha'arõ ñande rógape osẽ porãmba ñandéve opa mba'e.

Ikatu reñe'ẽ py'agyuapýpe ne membýpe. "Ere pe ojejapo va'erã, ejepy'a mongeta rire hese". Ne memby ojapóta eréva chupe oikuaa porã ramo pe reipotáva ojapo.

Eñembo'e Ñandejárape hese kuéra ára ha ára, tome'ẽ avei ndéve arandu reñangareko porã haña hese kuéra.

Ñane membýpe jahayhu háicha, ñande rayhu avei Ñandejára. Péva rupi ombou ko yvy ári, Ita'ýra Jesúspe.

Ha'e omano kurusúre ñane angaipa rehe. Ñandejára ñe'ẽ he'i jajerovia ramo Jesús rehe oiko ñande hegui Ñandejára rajy. (Juan 1:12)

Peteĩ árape Jesús oñe'ẽ heta tapichápe. Ombo'e hína mba'éichapa jaiko va'erã hekopete. Péva apytépe ombo'e chupe kuéra mba'éichapa oñembo'e va'erã hikuái. (Mateo 7:9-11)pe he'i : "¿Máva piko pende apytépe pende ra'y ojerure ramo peẽme pan, peme'ëta ichupe ita pehẽngue?. ¿Ojerure ramo peẽme pira, peme'ëta chupe mbói?. Peẽ pene rembiapo vaíva Ñandejára renondépe, peme'ë kuaa ramo iporãva pende ra'y kuérape , ko'yteve pende Ru oíva yvágape ome'ëta iporãva umi chupe ojerurévape .

(Mateo 7:7-8pe he'i)"Pejerure ha Ñandejára ome'ëta peẽme. Peheka ha ha'e ojuhúkata peẽme, pembota Ñandejára rokẽ ha ha'e oipe'áta peẽme. Ojerurévape niko oñeme'ẽ , ohekáva katu ojuhu, ha pe okẽ ombotávape ojepe'a".

Jesús he'i Ñandejára ombohováitaha ñane oración. Ñahendúta peteĩ tembiasakue jajuhúva 1ª Samuel (Capítulo 1)pe. Elcana hambireko mokõi. Peteíva imemby hetáva héra Penina ha ambue naimembýiva katu héra Ana.

(v7 “Péicha ojehu jepi ,umi año ojoapykuéri .Oguahẽvo pe ára ojeho haġua tupaópe, Penina ojahéi ha oñembohory hese ha Ana hasẽ ha ndokarúi. Elcana ohayhu Anape (v4-5) Oikuave’ẽha árape mymbajuka, Elcana ome’ẽ pe mymbajukágui hembireko ,Penina ha imemby kuérape imba’erã kuéra umi so’o akytã imba’erãva.Ha Anape katu ome’ẽ so’o akytã iporãvéva ohayhúgui chupe ndaikatúi ramo jepe imemby.

(v8) Iména Elcana katu he’i chupe:” Ana anína ne rasẽ ¿Mba’ére piko reñembyasy ha nderekaruséi? Cheko aime ndéve 10 ne memby rekovia”. Añetehápe ohayhu Anape ha ohechakuaa hembiasa asy.

Ana oñeñandu vai etereigui, oho Tupaópe oñembo’e Ñandejárape. Ogueraha iyvy’a’y ha hesay ha he’i Ñandejárape:” imemby ramo ome’etaha ichupe”. Ñandejára ohendu hí’oración, ha ome’ẽ chupe imembyrã.

Ana ombohéra imemby“Samuel”, he’iséva: “Ajerure hague Ñandejárape ” ha pe he’i haguéicha Ñandejárape ome’ẽ ichupe imemby.

¿Ombohováipa Ñandejára ñande oración?. Ha’e ombohovái. Ñandejára ombohovái ñandéve oguahẽ vove aravo, iporãve haġuaicha ñandéve.

¿Mba’éichapa reñeñandu ko árape? ¿Nderevy’áipa térã rehasa asy hína? Ñandejára nde rayhu ha omomba’e ne rembiasa.

Aipota eñembo’emi che ndive: Ñandejára ore ru. Aguije ndéve Jesús nde Ra’y rehe, ou va’ekue ko yvy ape ári ohechaukávo imborayhu, ha ogueraha haġua ore angaipa ha ore rekove vaikue kurusúre. Embohovai kena oréve ore oración nde reikuaa háicha ha ou porãvetaha háicha oréve. Rojerure ndéve nde Ra’y Jesús rérape. Taupéicha.